

廣靈縣誌卷之十

藝文誌

誌書載記贊傳而外詩作居多自後名人題詠亦
茲惟擇其闡發節義與詩品高邁者補誌之以資觀
感尙有記敘賑濟之文及從前未經入誌廟記並列
於首餘無所載

龍神廟碑記

康熙年間

邑令朱彝

龍嘘氣成雲茫洋窮乎霄漢薄日月伏光景其爲不
測甚矣而古有御龍之云此何以稱焉蓋嘗推之至
天地陰陽而已粗者爲形爲質精者爲氣其最精者

廣靈縣補誌

卷十

藝文

一

能屈伸乎陰陽之會者曰神變化流行不可端倪土
氣含收天明昌作羣神皆能瀕行以求食况龍之陽
德正中膏澤下土者乎聖人知天地之性萬彙之情
築爲宮室設爲俎豆格之以誠行之以禮進及登隆
一以飲食之道通之夫是之爲求其所欲以飲食之
也由是秋無淒風春無苦雨夏無愆陽冬無伏陰民
依而神聽亦自然之應耳小靈關舊有龍神廟在河
之東近年爲野水所齧衝塌傾圯神用弗康貢生楊
馨生員張清修暨本鄉公直楊清澤武生楊耿焯與
其里人庀材鳩工改築於河之西爲時率作數月乃

廣靈縣志卷之五十五餘
為屋三楹為錢數萬得枕山帶河
牆宇宏峻土人咸慶神之得有庇廕也請記於余余
愧無御龍之才而廣靈貧瘠又不能盡備物之享惟
有合上下之嘉德致其誠敬以其恍惚以與神明交
庶幾百靈祕怪委委蛇蛇來享飲食時風雨藝黍稷
於萬年奉將勿替而已

捐米賑饑碑記

道光十三年

邑令李和春

廣為山陬僻邑風醕俗儉耕鑿自勤巨賈富商甚乏
其業故秋成稍歉卽懸磬堪憂最爾情形大率類此
壬辰歲始苦於旱繼潦於雨終隕於霜斗米千錢數

廣靈縣補誌

卷十 藝文

二

十年來未有如是之極也余歲暮攝篆茲士採訪疾
苦目睹流離撫卹之施其曷能已卽欲籌畫良策以
救時艱適 大憲發到協濟銀五百兩余以為蘇民
困救民生其在斯乎隨以煮賑廣為勸捐而紳士亦
體余心輸將恐後復有倡捐善士勸助其間竟得米
三百餘石統核賑銀糴米共計倉石五百有奇在平
舒苦地誠不易得之舉實余初念不及此也爰擇關
內 城隍廟設廠公同經營不憚勞瘁卽於二月
粥開放就食者日增三千餘人布置條款尙無遺漏
然所及不過十數里貧民耳而僻在遠村保抱攜

以及熒獨無告不能奔走者未免向隅一夫不獲時
子之辜又與紳士商行賑米十日屆期裹糧而去者
復計四千餘衆遠近羣黎庶均實惠古云救人一命
如造九級浮屠此舉藉延殘喘者何可勝數皆仁人
君子之善舉余何有焉四月望賑務告竣粥廠一切
經費自行捐廉備辦所有捐輸姓氏經理首善并勒
於石昭茲來許以期永垂不朽云

光緒
四年
舉王德寅

補助爲仁政所必先而賑濟尤爲歉歲所難已三代
以上冢宰制用餘三餘九之訓尙矣後世常平社義

廣靈縣補誌

卷十

藝文

三

相輔而行立法之初皆有深意蓋以先事而備則旱
潦不爲災遇災而籌則捐賑不足濟然必出於捐賑
者亦不得已之計也歲丁丑畿豫晉三省亢旱歉收
惟吾晉爲大禮省城以南赤土千里溝壑流離之狀
所不忍言幸蒙

奏懇

皇恩特賑濟並由各省勸捐相助本省殷富之家誼關
桑梓更當量力輸將札行到縣我 呂侯艾公卽邀
同衆紳士商辦衆紳士以捐賑固屬善舉第吾邑雖
稍有收成而被饑出境斗米千文貧民亦難以爲生

倘不一爲之備不幾於急遽而遺近乎 公慨然曰
若銀米並捐銀解省城米留境內以備來春之接濟
何如衆以爲善 公遂捐廉以身先之一面設局署
內勸令闔邑素封之家有銀米並捐者有只銀無米
者有只米無銀者未兩月而得銀若干米二百石有
奇聊可敷解省之需並備本境之用既又以米貴而
麥子賤因易得麥子三百六十餘石分存各店明年
正月先審明各村莊極貧之戶按名散給領票於三
月上旬在 城隍廟分放 公與同城文武諸公親
督其事以防侵漁一時領糧之人歡聲雷動雖爲數

有限未能徧及要亦不無小補事竣 公以捐銀之
家業已按名造冊請獎但恐沒諸捐米者之義舉也
欲勒諸石命記於寅寅綜其事之始終竊謂是舉也
 邑侯主之同城文武諸公贊之衆紳士勸之而諸
樂輸者濟之以相與有成者也嘻廣邑本彈丸之地
而生齒日繁田不加增父老相與優遊於光天化日
之中者已久不知菽粟之可貴一至於此瘁遺荒歉
旣鮮蓋藏復艱買食有不束手無策哉諺有云年年
防旱夜夜防竊此言雖淺至理攸該伏願倣古社義
之法於各鄉分立儲穀之所以豫爲之備無不

急圖尤於我 邑侯有厚望焉是爲記

擬古詩爲滿洞子妻作

邑朱休度

乾隆五十有五年雁門關以北歲大饑父鬻其女夫
鬻妻三陌五陌得錢便相隨彼畧賣人者官禁弛連
車纍載驅之驅之南出三關北出口不知日凡幾廣
靈縣北山有羊圈村村有美婦人年二十一絕世姿
是爲滿洞子之妻滿洞子田家裏上無父母下無兒
自食其力足自支嗟哉逢年凶男無傭女無紅滿洞
子累日不舉炊彼畧賣人者早窺之謂滿洞子汝何
癡村之人父鬻女夫鬻妻不知日凡幾我爲汝計汝

廣靈縣補誌

卷十

藝文

五

得錢妻得美食衣活汝兩命計不出此汝何癡滿洞
子以告妻默無一辭以淚揮又如是數日可奈饑彼
畧賣人者早覓售主來一見大歡喜議錢三十貫諾
諾復爾爾夫妻將離滿洞子默無一辭妻則言但先
得錢一貫以備一夕炊令我稍治具詰旦便相隨夜
乃告夫汝今齎錢可作數日糧逃之他方汝是好男
兒爲人傭人信之自食其力足自支我俟其人來當
死之誓不相追隨滿洞子聞之哽咽不得哭乃復相
勸勉相獻欵其夜天陰月黑風慘悽東鄰西舍寂無
聞但聞絮語隱隱哭聲低哭聲低天雞啼漸漸人來

往滿洞子家半掩其破扉扉掩人則疑啟視乃愕貽
一貫錢橫地赫然掛兩尸驚動村之人闐然來觀莫
知所爲無錢買棺合窆埋之吁嗟瓦棺古有之瓦棺
又奚悲雙魄埋矣雙魂抱在淵當化比目魚在天當
化比翼鳥我歌告惇史子姓者陳妻則李自古皆有
死滿洞子妻得所矣

溫烈婦詩

前人

有健婦貌不揚眇能視勤操作屏甘旨夫出傭家自
理有寡夫鄰家子叔嫂呼受直使秋之日黍薺薺同
刈黍中野裏野無人狂風起鄰子張膝前跪求野合

廣靈縣補誌

卷十

藝文

六

辭輓美婦四顧情急矣急計生諾爾爾給之脫脫如
駛捷有神奔家裏氣填喉怒嚙齒頭觸牆足翻几謂
今我是必死有子婦急抱止張踵至乍窺俟聞聲竄
顛厥趾村翁媪來勸止申申詈詈鄰子夫聞歸歸挈
子復交勸勸勿死謂必報此犬豕不良計慎勿爾婦
罔聞號天只五晝夜幾轉徙其夜眠稍帖耳謂無虞
守者弛夫晨興絜其子往刈黍中野裏小婦炊炊未
起微聞聲識姑履急起追赴井矣村之人闐聚燈井
八丈一丈水縋而出赫然死上下衣表及裏密密縫
不見體烈哉婦勇有禮婦何名何宅里廣靈縣東北

鄙羅家曠溫馬氏馬之家孟莊是是蔚州州南鄙生
在彼嫁在此兩村人有光矣吁嗟乎士行已貴有恥
恥道喪風斯靡烈哉婦磨不磷涅不緇義舍生藥如
屍時之人號男子習夸毗尚輕侈以事君以友士焉
足恃視此婦穎有泚

集杜題巽妙軒壁十首

其一用進退
格限於韻也

前 人

新作湖邊宅雲山湧坐隅清琴將暇日高枕乃吾廬
啁雀爭枝墜春鷗洗翅呼未因乘興去何處狎樵漁
其二

蕭蕭古塞冷忽已歲時遷未負幽棲志添予別興牽

廣靈縣補誌

卷十

藝文

七

其無多屋宇自有一山川置酒高林下溪風爲颯然

其三

登臨多物色疎快頗宜人老罷休無賴他山自有春
郊扉存晚計良會惜芳晨賓客滿堂上知余嬾是真

其四

孤月當樓滿天虛風物清一邱藏曲折萬里倚檐楹
秋水清無底斷雲疎復行老夫知有此寂寞養殘生
其五

吾衰同泛梗養拙更何鄉此地生涯晚無人碧草芳
高歌激宇宙白日到羲皇遠水兼天淨扁舟意不忘

其六

畏人成小築可以賦新詩
水淨樓陰直沙暄日色遲
鶯花隨世界潤色靜書帷
到此應常宿江湖興頗隨

其七

野寺垂楊裏朱樓白水邊
碾渦深沒馬森木亂鳴蟬
稠疊多幽事登臨意惘然
涼風起天末衣冷欲裝綿

其八

翠屏宜晚對碧色動柴門
豈異神仙宅不知塵市喧
衰顏聊自哂世事與誰論
採藥吾將老讀書秋樹根

其九

去郭軒楹敞風涼出舞雩
冰壺動瑤碧空翠撲肌膚
落景陰猶合徐行且自娛
平生耽勝事似欲慰窮途

其十

爲郎從白首猶作一瓢蓬
興與煙霞會人今出處同
無才逐仙隱憂國願年豐
淺把涓涓酒乾坤醉眼中

夏夜壺山卽景

前人

驚風挾過雨亂雲脫新月
西來萬竅鳴月上羣峰兀
林斷鳥一聲波泯塵一髮
淡入秋意深幽將夜氣歇
涼塞天無暑空山月如雪
泉石如許寒何由中生熱
呼吸清道心可領不可說

自題壺泉垂釣圖

有引

前人

此余昨歲屬匠人所畫行看子也今將去縣諸學宮
弟子請留此於壺山遂題四詩付之

生來惆悵本無華况復盈頭戴雪花當面少年休背
笑瘦於老鶴黑於鴉

年年禱雨水神堂贏得籌車歲屢康一日兩衙更何
事來遊此地看雲忙

休疑滄海任公子休認寒江舊釣徒山屋只應名退
谷山泉也合號杯湖

壺中日月常時好枕上功名不足多閒誦溪南詩老
廣靈縣補誌

卷十

藝文

九

句遙來適去付東波

考得壺泉為嘔夷川原誌以一絕

前人

祁夷川即是嘔夷名在周官跡弗疑鄭註班書有明

證向來真筆竟誰知

周禮并州其川嘔夷鄭註云

夷祁夷歟出平舒案漢志平舒

延陵並代郡屬縣余以地形細考之平舒為今蔚州

至蔚州東境入桑乾綿三百餘里其為祁夷水無疑

而壺山之泉實祁夷之大源祁夷之與嘔夷名既近

又在并之東北遠境舉之可以概內水乃酈道

元別故以流本當嘔夷誤矣自宜以鄭註為正

吾家阿同

前人

泉圍山寺柳圍泉孤塔如簪插寺巔面面迎窗排遠

岫村村瀾浦引長煙天遺佳境人誰管野落閒雲僧
自眠荒草池塘鷗占浴冷風屋壁鼠偷穿那添曲檻
蓮廊繞更着青簾白舫牽樹外補隄循坦坦壺中疏
竹清泥岸逢斷處裝橋接磴向斜來起閣偏名二
呂題應倍價美人雕飾定增妍只愁室費三年築且
喜官逃半日禪異地一邱煙月在同僚數子性情便
扶筇每到臨流憩試茗相招候火煎苔席停杯宵雨
淨石枰就奔午陰圓行年老矣田園廢作吏勞哉坎
壤纏波影巒光忽疑夢一灣銷夏五湖邊

始遊寶峯寺

前人

一鳴如兜向北東中有如毳千萬松兜作佛坐坐銜
月毳作山衣衣滿風塞山誠壯體頑劣不蕃草木
山童誰料石磴磈礧裏居然小窟藏靈壺從山左臂
盤盤入忽入大癡圖畫中嵐浮翠暝麗如許銀海光
刮金篋功若移寶地置通邑早誇勝概題名公乃今
埋沒久無問非爾縣官誰則從呼嗟平縣官之俗
難醫縣境之陋陋於夷饑隸如鬼鞭之叫進糧如山
責之疲惟習虛文畫尾詰了無實政蘇邊黎屋如籠
繫城如斗間行寂坐愁容癡今朝跨馬得來此無小
無大生歡喜相與俗吏滿厥腸更教陋邦洒其恥不

聞坐上龍眠客有言我今恍惚還家矣

晚遊松坡

并序

舉人宋瑞

松坡在予居西南八里恆山支麓也脈絡蜿蜒抵
峪口乃止兩山夾水有若畫圖尹耕兩鎮三關志
所謂常山北戶是也坡多老松松間有寶峰寺世
傳山有寶益益栽一松遂以名寺其說近誕殆不
足辨其寺因山構宇層累而上最高處建藥師佛
殿蘿川一帶宛若足下爲一邑勝概今歲七月既
望借二三友朋及子姪輩尋遊此地顧而樂之因
以松坡自號而繫以詩

廣靈縣補誌

卷十

藝文

十一

自我童穉日愛此門前山至今頭白看不厭年年攜
侶同躋攀一草一木皆舊識不衫不履時往還山前
古幹一萬樹老松與我皆蒼顏秋風忽七月涼意初
騷屑杖策相招邀縱眺愜所悅黃花紅葉交紛披自
緣危磴登叢祠老夫尚有濟勝具兒童不用旁扶持
半天聳金刹絕頂凌屢屨蒼茫俯視見百里天風浩
浩吹人衣向評遊五嶽汗漫何由期耳目之前有勝
景亦足使我心神怡怡然命樽酒醉入無何有頽唐
自倚雲根眠醒來月出東山口更起理肴核一酬支
離叟我擬移家來着鞋與子友共作巖棲谷飲人此

間肯著衰翁否

題壺山六首

有序

邑令王利亨

夏日公餘過此見泉清石瘦柳媚花明而景物之
條閒風光之禱秀恍如平泉綠墅諸勝山水之味
取飫於神明談笑之餘寄情於毫素爰成長句六
首

淨掃風沙拓一廛雲根澄碧聚淪漣神洲左股來初
地陸海方壺闢洞天巒沸百泉空鏡合菩提千樹午
陰圓支風借月詩人在占斷仙山屋幾椽

竹鬲繩牽沼沚寬羣源決湧浩漫漫渚牙遠劃重重
界蓬尾斜分櫛櫛瀾綠湛青瑩難可唾天光雲影動
生寒驀然乾雪閒飛到又看鳧鷖過碧灘

池館玲瓏浸碧漪垂楊高下繞平陂窗痕翠織煙干
縷牆缺青縫雨萬絲茶鼎香濃穿樹久鶯簧啼亂出
花遲簾疎簟滑風微處謂是羲皇夢不疑

蒲團兀坐午風柔天氣暄和夏亦秋澗曲一鞭涼洗
馬槐陰雙笛倒騎牛裴公草輦羣羊綴樊令萍深乳
鳴浮喜假漁樵參一席閒情絕勝望瀛洲

芳心無限付詩筒撚斷吟髮學放翁鴉嘴峰尖穿樹
碧鶴頭花紫過牆紅池中塔影當樓月野外鐘聲

寺風多少煙雲供寄託披箋難繪此時衷

片片琉璃嵌碧淵樓臺倒落斗星懸冰壺醉濯青蓮
魄琳宇高眠玉局仙談笑不驚鷗鳥夢鬚眉欲寫蔚
藍天持竿邀得釣鼈伴坐愛池亭日似年

夏日垂釣壺泉次竹航太史原韻六章

拔貢延陵書院山長楊曇四川人

清涼世界水雲塵二八飛流漾碧漣泉石四圍澄陸
海樓臺千尺聳壺天濠聞妙境低頭悟花裏仙鐘入
夢圓題作冠鼈第一島何人袖得筆如椽

平嵌玻璃鏡面寬蛟螭噴沫白彌漫橋邊人坐瓊瓏

廣靈縣補誌

卷十 藝文

三

石水底天搖活潑瀾林缺露來青嶂遠窗空補到綠
雲寒攜樽共約清狂客盡日筒杯泛碧灘

濃陰孌娜蘸晴猗猶認蒼龍化葛陂魚尺亂拋溪作
練鶯梭斜織柳飛絲煙霞入座揮絃潤得失無心罷
釣遲犬醉歸然眠玉府蓬壺身世復何疑

薄薄羅裳疊雪柔池亭涼似五湖秋旋澗插水頭藏
鴨短笛吹風背倚牛禪意幾從蛙梵領鄉心一遣雁
飛避背揮玉麈焚香坐清福何曾讓十洲

丹竈煎茶剖竹筒分符調水學坡翁鋪茵綉草和煙
綠碎錦山花過雨紅洗馬潭深人踏浪窺魚渚靜鶴

翻風十年拋卻江湖樂，筇笠芒鞋愜素衷。

泉源百道激洞淵，霧閣星房倒影懸。石髓飛花流木

活，塔鈴語月夢皆仙。江山眼界空燕晉，名利胸襟豁

海天。隨意雪鴻留指爪，瑤臺管領待何年。

游壺山卽景

有序

翰林院侍讀
前山西學政

汪振基

安徽人

癸丑七月五日偕同人游水神堂子芳屬句紀游

勉和王君竹航七律六章元韻非敢言詩聊誌一

時聚合且伸景企前賢之意爾

闢得方壺占一塵，清溪環引漾淪漣。拓開佛法三千

界，逼近山光尺五天。窟裏煙霞真是僻，鏡中色相本

廣靈縣補誌

卷十

藝文

古

來圓

王君竹航聯有魚藻空游鏡一箇句

巍然傑構嵌空起，想策靈鼈

架數椽

聖母仁功布護寬，寶蓮座底涌瀾漫。

泉自神座下
獅口溢出

靈

濤恍噴神峰，雪仙液潛通古井。瀾十里遠嵐濃帶潤

四圍空碧悄，生寒夜深風定龍眠穩。時有溪聲下別

灘

亭亭塔影倒清漪，楊柳搖風放鴨陂。草腳緩尋游子

屐花鬚，輕惹釣人絲。

石刻卧雲
楊君鈞臺

晴開畫幃烘雲活，涼

浸琴牀。仁月遲到此，應增濠濮想。觀魚妙諦證奚疑

平舒民氣樸兼柔，所願時和歲有秋。賢吏勤勞同牧

馬朱君梓廬王君竹航相繼作宰多有惠政達人寄託任呼牛衰齡莫挽

隙駒過浪跡渾如沙鳥浮幾度登高頻眺望五雲深

處是神洲

閒攜尊酒佐詩筒雁序分排半老翁同游者丁君蕪坪周君景福姪

子芳蘅坪景福俱過六句余亦五十有八權借杯中波盞綠喜看座上頰

添紅仇池合記坡仙夢東坡夢游仇池上署神泉福地小有洞天云云此境似之

曲水爭傳逸少風鎮日軒窗面巖壑清音遙遞廓虛

衷楣題崑崙寓左太冲山水清音意

紫陽風度仰激淵謂朱君梓廬翼妙留題寶墨懸自記夢中得也

吏隱能兼綠福命蓬萊小住屬神仙湖山管領憑誰

廣靈縣補誌 卷十 藝文 圭

主風月清華別有天便欲就中覓環堵柴桑寂處養

殘年

壺山卽景二首 邑令李和春

城邊稻隴雨平疇爽氣凌晨入小樓一帶晴波白練

繞幾行疎柳翠雲流山光圍檻渾忘暑月色依人怡

近秋如此清涼如此景披襟好比畫中遊

漫言勝境擬方壺苔磴尋幽竹杖扶泉咽石塘聲斷

續雲歸山徑影模糊世情變幻蕉中鹿人事浮沈水

上鳧間倚高軒惟飲酒醉來得句喚奚奴

邑誌自

國朝以來始修於李公續修於郭公已燦然可觀也今歲春我

邑侯楊公宰斯邑謁見之初詢及邑之利弊與民間疾苦慨然以教養爲汲汲寅等不勝敬服之至及赴禮闈報罷旋里適

會爵中丞有舉修省誌之役通飭將縣誌一體遵辦我邑侯邀集衆紳商議補修之事旋即設局分派籌費採訪一切事宜而以寅亦廁其中寅既無才學又乏知識何堪濫竽乃固辭不獲爰與在局諸公廣

廣靈縣補誌跋

詢父老徧搜鄉村隨採隨錄彙爲一冊以呈我邑侯而請其纂修我邑侯不辭勞瘁退食之餘取採訪各事實筆則筆削則削點定更正又取稽於各房案牘於原誌十卷中揆次補輯稿既脫伏而讀之秩然不紊與原誌若合符節者洵足以備一邑之掌故媿二公之美蹟而無憾矣寅下車數月卽克蕞斯大役允當人心如此謂是本其廉明勤慎之心用整頓大和平之政將一邑之治不日可觀矣豈僅文章之足以潤色邊徼云爾哉

光緒庚辰冬月邑舉人王德寅謹題

